

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 01-3144/22
Sarajevo, 06.06.2022. godine

Na osnovu člana 135. stav (3) Zakona o visokom obrazovanju ("Službene novine Kantona Sarajevo", br. 33/17, 35/20, 40/20 i 39/21), člana 104. stav (2) Statuta Univerziteta u Sarajevu (broj: 01-1093-3-1/18 od 28.11.2018. godine) i prijedloga prodekana za nastavu Elektrotehničkog fakulteta (broj: 04-3085/21 od 02.06.2022. godine), Vijeće Univerziteta u Sarajevu - Elektrotehnički fakultet, na 11. redovnoj sjednici održanoj 06.06.2022. godine, donosi

ODLUKU

o vrednovanju rezultata postignutih prilikom polaganja prijemnog ispita
za upis u prvu godinu prvog ciklusa studija i prvu godinu stručnog studija "Razvoj softvera"
u studijskoj 2022/2023. godini

I

Usvaja se prijedlog prodekana za nastavu Univerziteta u Sarajevu - Elektrotehničkog fakulteta (broj: 04-3085/22 od 02.06.2022. godine) o načinu vrednovanja rezultata postignutih prilikom polaganja prijemnog ispita, za upis u prvu godinu prvog ciklusa studija i prvu godinu stručnog studija "Razvoj softvera", u studijskoj 2022/2023. godini.

II

Utvrđuje se način vrednovanja rezultata ostvarenih prilikom polaganja prijemnog ispita za upis u prvu godinu prvog ciklusa studija i prvu godinu stručnog studija "Razvoj softvera" na Univerzitetu u Sarajevu - Elektrotehnički fakultet, u studijskoj 2022/2023. godini, kako slijedi:

- Prijemni ispit nema praga. Bodovi ostvareni na prijemnom ispiti se pribrajaju bodovima koje je kandidat ostvario po osnovu općeg uspjeha, uspjeha iz maternjeg jezika, matematike i fizike tokom srednjoškolskog obrazovanja, te rezultata ostvarenih na takmičenjima i nagrade. Na osnovu ukupnog broja postignutih bodova, po svim navedenim osnovama, formira se rang lista kandidata.
- Na prijemnom ispitu bodovaće se samo zadaci kod kojih je, pored zaokruženog tačnog rezultata, ponuđen i postupak kojim se došlo do tačnog rezultata. Zaokružen tačan odgovor sa potpunim i korektnim postupkom nosi maksimalan broj bodova predviđen za određeni zadatak. Zaokružen tačan odgovor uz nedvosmisleno nepotpun postupak nosi polovicu od maksimalnog broja bodova. Zadatak sa nedvosmisleno nekorektnim postupkom nosi 0 bodova, bez obzira da li je zaokružen tačan odgovor ili ne. Isto vrijedi za zadatak sa zaokruženim netačnim odgovorom, bez obzira na postupak. Negativnih bodova nema.

III

Odluka stupa na snagu danom donošenja.

Obrazloženje

Uzimajući u obzir dosadašnje iskustvo u postupku prijema i upisa kandidata u prvu godinu prvog ciklusa studija i prvu godinu stručnog studija "Razvoj softvera", prodekan za nastavu Univerziteta u Sarajevu - Elektrotehničkog fakulteta uputio je Vijeću Univerziteta u Sarajevu - Elektrotehnički fakultet prijedlog za donošenje odluke o vrednovanju rezultata postignutih prilikom polaganja prijemnog ispita za upis u prvu godinu prvog ciklusa studija i prvu godinu stručnog studija "Razvoj softvera" u studijskoj 2022/2023. godini (broj: 04-3085/22 od 02.06.2022. godine), uvažavajući sve pokazane prednosti i nedostatke dosadašnjeg modela vrednovanja rezultata postignutih prilikom polaganja prijemnog ispita.

Vijeće Univerziteta u Sarajevu - Elektrotehnički fakultet usvojilo je naprijed navedeni prijedlog, te je u navedenom smislu i iz navedenih razloga odlučeno kao u dispozitivu.

DEKAN

Prof. dr. Jasmin Velagić

Dostaviti:

1. Komisija za prijem i upis studenata (predsjednik)
2. Komisija za provođenje prijemnog ispita (predsjednik)
3. Studentska služba
4. Uz zapisnik
5. a/a

